

萬善同歸集卷第一

史一

杭州慧首永明等智覺禪師延壽述

夫衆善所歸皆宗實相如空包納似地發生
是以但契一如自含衆德然不動真際萬行
常與不壞緣生法界恒現寂不闕用俗不違

史一

真有無齊觀一際平等是以萬法惟心應湏
廣行諸度不可守愚空坐以滯真修若欲萬
行齊興畢竟湏依理事理事無闇其道在中
遂得自他兼利而圓同體之悲終始該羅以
成無盡之行若論理事幽旨難明細而推之

非一非異是以性實之理相虛之事力用交
徹舒卷同時體全徧而不差跡能所而似別
事因理立不隱理而成事理因事彰不壞事
而顯理相資則各立相攝則俱空隱顯則互
興無闇則齊現相非相奪則非有非空相即
相成則非常非斷若離事而推理墮聲聞之
愚若離理而行事同凡夫之執當知離理無
事全水是波離事無理全波是水理即非事
動濕不同事即非理能所各異非理非事真
俗俱亡而理而事二諦恒立雙照即假宛爾

幻存雙遮即空泯然夢寐非空非假中道常明不動因緣寧處理體故菩薩以無所得而為方便涉有而不乖空依實際而起化門須真而不閎俗常然智炬不昧心光雲布慈門波騰行海遂得同塵無閎自在隨緣一切施

為無非佛事故般若經云一心具足萬行華嚴經云解脫長者告善財言我若欲見安樂世界阿彌陀佛隨意即見乃至所見十方諸佛皆由自心善男子當知菩薩脩諸佛法淨諸佛刹積習妙行調伏衆生義大誓願如是

一切悉由自心是故善男子應以善法扶助自心應以法水潤澤自心應於境界淨治自心應以精進堅固自心應以智慧明利自心應以佛自在開發自心應以佛平等廣大自心應以佛十力照察自心古德釋云心該萬

史一

二

法謂非但一念觀佛由於自心菩薩萬行佛果體用亦不離心亦去妄執之失謂有計云萬法皆心任之是佛驅馳萬行豈不虛勞今明心雖即佛又翳塵勞故以萬行增修令其瑩徹但說萬行由心不說不修為是又萬法

即心修何閻心問曰祖師云善惡都莫思量
自然得入心體涅槃經云諸行無常是生滅
法如何勸修故達祖教答祖意據宗教文破
著若禪宗頓教泯相離緣空有俱亡體用雙
寂若華嚴圓旨具德同時理行齊敷悲智交

濟是以文殊以理印行差別之義不虧普賢
以行嚴理根本之門靡廢本末一際凡聖同
源不壞俗而標真不離真而立俗具智眼而
不沒生死運悲心而不滯涅槃以三界之有
為菩提之用處煩惱之海通涅槃之津夫萬

善是菩薩入聖之資糧衆行乃諸佛助道之
階漸若有目而無足豈到清涼之池得實而
忘權奚昇自在之域是以方便般若常相輔
翼真空妙有恒共成持法華會三歸一萬善
悉向菩提大品一切無二衆行咸歸種智故

史一

華嚴經云第七遠行地當修千種方便慧殊
勝道所謂雖善脩空無相無願三昧而慈悲
不捨衆生雖得諸佛平等法而樂常供養佛
雖入觀空智門而勤集福德雖遠離三界而
莊嚴三界雖畢竟寂滅諸煩惱燄而能為一

切衆生起滅貪瞋癡煩惱燄雖知諸法如幻
如夢如影如響如燄如化如水中月如鏡中
像自性無二而隨心作業無量差別雖知一
切國土猶如虛空而能以清淨妙行莊嚴佛
土雖知諸佛法身本性無身而以相好莊嚴

其身雖知諸佛音聲性空寂滅不可言說而
能隨一切衆生出種種差別清淨音聲雖諸
法了知三世惟是一念而隨衆生意解分
別以種種相種種時種種劫數而脩諸行維
摩經云菩薩雖行於空而植衆德本是菩薩

行雖行無相而度衆生是菩薩行雖行無作
而現受身是菩薩行雖行無起而起一切善
行是菩薩行古德問云萬行統惟無念今見
善見惡願離願成疲役身心豈當為道答此
雖念而求無念尚未得真無念况念無念而

無閑乎又無念但是行之一豈知一念頃圓
如上所引佛旨煥然何得空臨高心以少為
足擬欲蛙嫌海量掩日光乎問泯絕無寄
境智俱空是祖佛普歸聖賢要路若論有作
心境宛然憑何教文廣陳萬善答諸佛如來

一代時教自古及今分宗甚衆據其大約不出三宗一相宗二空宗三性宗若相宗多說是空宗多說非性宗惟論直指即同曹溪見性成佛也如今不論見性固識正宗多執是非紛然諍競皆不了祖佛密意但徇言詮如

史一

四

教中或說是者即依性說相或言非者是破相顯性惟性宗一門顯了直指不說是非如今多重非心非佛非理非事泯絕之言以為玄妙不知但是遮詮治病之文執此方便認為標的却不信表詮直指之教頗遺實地昧

却真心如楚國愚人認雞作鳳猶春池小果執石為珠但任淺近之情不探深密之旨迷空方便豈識真歸問諸佛如來三乘教典惟有一昧解脫法門云何廣說世間生滅緣起擬心即失不順真如動念即乖違於法體答

若論一相一味此乃三乘權教約理而言即以一切因緣而為過惡今所集者惟顯圓宗一一緣起皆是法界實德不成不破非斷非常乃至神變施為皆法如是故非假神力暫得如斯纔有一法緣生無非性起功德華嚴

經云此華藏世界海中無間若山若河乃至樹林塵毛等處一一無不皆是稱真如法界具無邊德間經云但凡夫之人貪著其事又云取相凡夫隨宜為說若得理本萬行俱圓何湏事跡而興造作乎答此是破貪著執取

史一

五

之文非干因緣事相之法淨名經云但除其病而不除法金剛三昧經云有二入一理入二行入以理導行以行圓理又菩提者以行入無行以行者緣一切善法無行者不得一切善法豈可滯理虧行執行違理祖師馬鳴

大乘起信論云信成就發心有三一直心正念真如法故二深心樂集一切諸善行故三大悲心欲拔一切衆生苦故論問上說法界一相法體無二何故不惟念真如復假求學諸善法之行論答譬言如大摩尼寶體性明淨而有鑽穢之垢若人雖念實性不以方便種種磨治終無得淨如是衆生真如之法體性空淨而有無量煩惱垢染若人雖念真如不以方便種種熏脩亦無得淨以垢無量徧脩一切善行以為對治若人修行一切善法自

然歸順真如法故略說方便有四種一者行根本方便謂觀一切法自性無生離於妄見不生生死觀一切法因緣和合業果不失起於大悲修諸福德攝化衆生不住涅槃以隨順法性無住故二者能止方便謂慇懃悔過

能止一切惡法令不增長以隨順法性離諸過故三者發起善根增長方便謂勤脩供養禮拜三寶讚歎隨喜勸請諸佛以愛敬三寶淳厚心故信得增長乃能志求無上之道又因佛法僧力所護故能消業障善根不退以

隨順法性離凝障故四者大願平等方便所謂義願盡於未來化度一切衆生使無有餘皆令究竟無餘涅槃以隨順法性無斷絕故法惟廣大徧一切衆生平等無二不念彼此究竟寂滅故牛頭駁大師問諸法畢竟空有

史

六

菩薩行六度萬行否答此是三乘二見心若觀心本空即是實慧即是見真法身法身不住此空謂有運用覺知即是方便慧方便慧亦不可得即是實慧恒不相離前念後念皆由二慧發故云智度菩薩母方便以為父一

切衆導師無不由是生先德問云即心是佛何假脩行妄祗為是故所以修行如鐵無金雖經鍛鍊不成金用賢首國師云今佛之三身十波羅密乃至菩薩利他等行並依首法融轉而行即衆生心中有真如體大今日修

行引出法身由心中有真如相大今日修行引出報身由心中有真如用大今日修行引出化身由心中有真如法性自無慳貪今日修行順法性無慳引出檀波羅密等當知三祇修道不曾心外得一法行一行何以故但

是自心引出自淨行性而起修之故知摩訶沈泥不能兩寶古鏡積垢焉能鑒人雖心性圓明本來具足若不衆善顯發萬行磨治方便引出成其妙用則水翳客塵長淪識海成妄生死障淨菩提是以祖教分朗理事相即

史

七

不可偏穢而溺見河畇善雖勝惡念即乖真約道而言俱非解脫何須廣勸滯正修行既涉因緣實妨於道答世出世間以上善為本初即因善而趣入後即假善以助成實為越生死海之舟航趣涅槃城之道路作人天之

基陞為相佛之垣牆在塵出塵不可暫廢十善何過弘在於人若貪著則果生有漏之天不執則位入無為之道運小心墮一乘之位叢大意昇菩薩之階乃至究竟圓修終成佛果以知非開上善能為滯閼之因全在行人

自成得失之咎故華嚴經云十不善業道是地獄畜生餓鬼受生之因十善業道是人天乃至有頂處受生之因又此上品十善業道以智慧修習心狹劣故怖三界故闕大悲故從他聞聲而了解故成聲聞乘又此上品十

善業道修治清淨不從他教自覺悟故大悲方便不具足故悟解甚深因緣法故成獨覺乘又此上品十善業道修治清淨心廣無量故具足悲愍故方便所攝故叢生大願故不捨衆生故希求諸佛大智故淨治菩薩諸地

故淨脩一切諸度故成菩薩廣大行又此上上十善業道一切種清淨故乃至證十力四無畏故一切佛法皆得成就是故我今等行十善應令一切具足清淨乃至菩薩智是積集善根成就善根增長善根思惟善根繫念

善根分則善根愛樂善根修集善根安住善根菩薩摩訶薩如是積集諸善根已以此善根所得依果修菩薩行於念念中見無量佛如其所應承事供養又云雖無所作而恒住善根又云雖知諸法無有所依而說依善法

史一

八

而得出離大智度論云佛言我過去亦曾作惡人小蟲因積善故乃得成佛又如十八不共中有欲無減者佛知善法恩故常欲集諸善法故欲無減修集諸善法心無厭足故欲無減如一長老比丘目暗自縫僧伽梨衽脫

語諸人言誰樂欲為福德者為我枉針爾時佛現其前語言我是樂欲福德無厭足人持汝針來是比丘裴亹見佛光明又識佛音聲白佛言佛無量功德海皆盡其邊底云何無厭足佛告比丘功德果報甚深無有如我知

恩分者我雖復盡其邊底我本以欲心無厭足故得佛是故今猶不息雖更無功德可得我欲心亦不休諸天世人驚悟佛於功德尚無厭足何況餘人佛為比丘說法是時肉眼即明慧眼成就又云佛言若不能就衆生淨

佛國土不能得無上道何以故因緣不具足
則不能得阿耨多羅三藐三菩提因緣者所
謂一切善法從初發意行檀波羅蜜乃至十
八不共法於是行法中無憶想分別故問夫
如來法身湛然清淨一切衆生祇為客塵所

史

殺不得現前如今但息攀緣宦水澄清何須
衆善向外紛馳反背真脩但成勞慮咎無心
察現此是了因福德莊嚴湧從緣起二因雙
備佛體方成諸大乘經無不具載淨名經云
佛身者即法身也從無量功德智慧生從慈

悲喜捨生從布施持戒忍辱柔和勤行精進
禪定解脫三昧多聞智慧諸波羅蜜生乃至
從斷一切不善法集一切善法生如來身又
云具福德故不住無為具智慧故不盡有為
大慈悲故不住無為滿本願故不盡有為此
乃自背圓詮不遵佛語擬捉涅槃之縛欲沈
解脫之坑栽蓮華於高原植甘種於空界欲
求菩提華果何出得成所以云入無為正位
者不生佛法耳乃至譬如不下巨海不能得一
無價寶珠如是不入煩惱大海則不能得一

一切智寶問入法以無得為門復道以無為先導若與衆善起有得心一違正宗二鬪實行答以無得故無所不得以無為故無所不為無為豈出為中無得非居得外得與無得既非全別為與無為亦非分同非別非同誰言

一二而同而別不闇千差若迷同別兩門即落斷常二執所以華嚴離世間品云知一切法無相是相相是無相無分別是分別分別是無分別非有是有是非有無作是作作是無作非說是說說是非說不可思議知心

與菩提等知菩提與心等心及菩提與衆生等亦不生心顛倒想顛倒見顛倒不可思議於念念中入滅盡定盡一切漏而不證實際亦不盡有漏善根雖一切法無漏而知漏盡亦知漏滅雖知佛法即世間法世間法即佛

文

十

法而不於佛法中分別世間法不於世間法中分別無法一切諸法悉入法界無所入故知一切法皆無二無變易不可思議問一切衆生不得解脫者皆為認其假名遂妄輪迴楞嚴經中唯令以湛旋其虛妄滅生伏還元

覺得元明覺無生滅性為因地心然後圓成
果地修證云何一向徇斯假名論其散善轉
增虛妄豈益初心答名字性空皆為實相但
從緣起不落有無法句經云佛告寶明菩薩
汝且觀是諸佛名字若是有說食與人應得

充飢若名字無者定光如來不授我記及於
汝名如無授者我不應得佛當知字句其已
久如以我如故備顯諸法名字性空不在有
無華嚴經云譬如諸法不分別自性不分別
音聲而自性不捨名字不滅菩薩亦復如是

不捨於行隨世所作而於此二無執著是以
不動實際建立行門不壞假名圓通自性問
何以不任運騰騰無心合道豈湏萬行動作
關心答古德顯佛果有三一亡言絕行獨明
法身無作果二從行漸修位滿三祇果三從
史一

初理智自在圓融果此是上上根人圓修圓
證雖一念頃具不妨萬行施為雖萬行施為
不離一念若亡情冥合各是一門遲速任機
法無前後問觸目菩提舉足皆道何湏別立
事相道場役念勞形豈皆妙旨答道場有二

一理道場二事道場理道場者周偏刹塵事道場者淨地嚴飾然因事顯理藉理成事事虛攬理無不理之事理實應緣無閼事之理故即事明理湏假莊嚴從俗入真唯憑建立為歸敬之本作策發之門覩相嚴心自他兼

利止觀云圓教初心理觀雖諦法忍未成湏於淨地嚴建道場晝夜六時修行五懺悔六根罪入觀行即乘戒兼急理事無瑕諸佛威加真明頓�直至初住一生可階上都儀云夫歸命三寶者要指方立相住心取境不明

無相離念也佛懸知凡夫繫心尚乃不得況離相耶如無術通人居空造舍也依寶像等三觀必得不疑佛言我滅度後能觀像者與我無異大智論云菩薩唯以三事無厭一供養佛無厭二聞法無厭三供給僧無厭天台

智者問云世間有空行人執其寢空不與修多羅合聞此觀心而作難言若觀心是法身等應觸處平等何故經像生散紙木生慢散慢異故則非平等非平等故法身義不成答我以凡夫位中觀如是相耳為欲開顯此實

相恭敬經像令慧不縛使無量人崇善去惡
令方便不縛豈與汝同耶乃至廣興法會建
立壇儀手決加持嚴其勝事遂得道場現證
諸佛威加皆是大聖垂慈示其要軌或覩香
華之相戒德重清或見普賢之身罪源畢淨

史一

因茲法事圓備佛道遐隆現斯感通歸憑有
據是以湏遵往聖事印典章不可憑虛出於
胸臆毀德壞善翻墮邪輪撥有疑空枉投邪
胥問金剛般若經云若以色見我以音聲求
我是人行邪道不能見如來如何立相標形

而稱佛事答息憑泯事此是破相宗直論顯
理即是大乘始教未得有無齊行體用交徹
若約圓門無闇性相融通舉一微塵該羅法
界華嚴經云清淨慈門刹塵數共生如來一
妙相一一諸相莫不然故見者無厭足法

華經云汝證一切智十方等佛法具三十二
相乃是真實滅大涅槃經云非色者即是聲
聞緣覺解脫色者即是諸佛如來解脫豈同
凡夫橫執頑闇之境以為實色二乘偏證灰
斷之質而作真形是以六根所對皆見如來

萬像齊觀圓明法界豈待消形滅影方成玄
趣乎問即心是佛何須外求若認他塵自法
即隱答諸佛法門亦不一向皆有自力他力
自相共相十玄門之該攝六相義之融通隨
緣似分約性常含從心現境境即是心攝所

史

十三

歸能他即是自古德云若執心境為二遮言
不二以心外無別塵故若執為一遮言不一
以非無緣故淨名經云諸佛威神之所建立
智者大師云夫一向無生觀人但信心益不
信外佛威加益經云非內非外而內而外而

內故諸佛解脫於心行中求而外故諸佛護
念云何不信外益耶夫因緣之道進修之門
皆衆緣所成無一獨立若自力充備即不假
緣若自力未堪須憑他勢譬如世間之人在
官難中若自無力得脫須假有力之人救援

又如牽拽重物自力不任須假衆他之力方
能移動但可內量實德終不以自妨人又若
執言內力即是自性若言外力即成他性若
云機感相投即是共性若云非因非緣即無
因性皆滯闊執未入圓成若了真心即無所

住問經云觀身實相觀佛亦然一念不生天
真頓朗何得唱他佛號廣誦餘經高下輪迴
前後生滅既妨禪定但徇音聲水動珠唇靈
當冥合答夫聲為衆義之府言皆解脫之門
一切趣聲聲為法界經云一一諸法中皆含

一切法故知一言音中包羅無闇十界具足
三諦理圓何得非此重彼離相求真不窮動
淨之源遂致語默之失故經云一念初起無
有初相是真護念未必息念消聲方冥實相
是以莊嚴門內萬行無虧真如海中一毫不

捨且如課念尊號故有明文唱一聲而罪滅
塵沙具十念而形獲淨土拯危拔難殄障消
冤非但一期暫拔苦津託此因緣終投覺海
故經云若人散亂心入於塔廟中一稱南無
佛皆已成佛道又經云授持佛名者皆為一
史

十四

切諸佛共所護念寶積經云高聲念佛魔軍
退散文殊般若經云衆生愚鈍觀不能解但
令念聲相續自得往生佛國智論云譬如有人
初生墮地即能日行千里足一千年滿中
七寶以用施佛不如有人於後惡世利一佛

聲其福過彼大品經云若人散心念佛乃至畢苦其福不盡增一阿含經云四事供養一間浮提一切衆生功德無量若有衆生善心相續稱佛名號如一擊牛乳頃所得功德過上不可思議無能量者華嚴經云住目在心

念佛門知隨自心所有欲樂一切諸佛現其像故飛錫和尚高聲念佛三昧寶王論云浴大海者已用於百川念佛名者心成於三昧亦猶清珠下於濁水濁水不得不清念佛投於亂心亂心不得不佛既契之後心佛雙亡

雙士定也雙照慧也定慧既均亦何心而不佛何佛而不心心佛既然則萬境萬緣無非三昧也誰復患之於起心動念高聲稱佛哉故業報差別經云高聲念佛誦經有十種功德一能排睡眠二天魔驚怖三聲徧十方四

史

十五

三塗息苦五外聲不入六令心不散七勇猛精進八諸佛歡喜九三昧現前十生於淨土群疑論云問名字性空不能詮說諸法教人專稱佛號何異說食充飢乎答言名字無用不能詮諸法體亦應喚火水來故知筌蹄

不空魚兔斯得故使梵王啓請轉正法輪大聖應機弘宣妙旨人天凡聖咸真正言五道四生並遵遺訓聽聞讀誦利益弘深稱念佛名往生淨土亦不得唯言名字虛假不有詮說者乎論云問何因一念佛之力能斷一切

諸障答如一香栴檀四十由旬伊蘭林系香又譬如有人用師子筋以為琴弦其聲一奏一切餘弦悉皆斷壞若人菩提心中行念佛三昧者一切煩惱一切諸障皆悉斷滅大集經云或一日夜或七日夜不作餘業忘心

念佛小念見小大念見大又般若經云文殊問佛云何速得阿耨菩提答有一行三昧欲入一行三昧者應須於空閑處捨諸亂意不取相貌繫念一佛專稱名字隨佛方所端身正向能於一佛念念相續即是念中能見

過去未來現在諸佛晝夜常說智慧辯才終不斷絕是知佛力難思玄通罕測如石吸鐵似水接河慈善根力見如是事志心歸者靈感昭然問凡所有相皆是虛妄但有好境取即成魔何得著相興心而希冥感耶答修行

力至聖境方明善緣所生法爾如是故將證
十地相皆現前是以智切冥加道高魔惑或
禪思入微而變異相或禮誦懲志暫觀_{嘉祥}

但了惟心見無所見若取之則心外有境便
成魔事若捨之則機善功能無門脩進摩訶

史

十六

論云若真若偽惟自妄心現量境界無有其
真實無所著故又若真若偽皆一真如皆一
法身無有別異不斷除故智論云不捨者諸
法中皆有助道力故不受者皆法實相異光
空無所得故

萬善同歸集卷第一